

Xajon ra tsikínda ítjòn jè Pablo ra isìkasén-la xitá naxindá-la Cristo ra títsajna ya Tesalónica

Kó'sín jè Pablo síhixo'ta xitá naxindá Tesalónica

1 ¹Jìon ra xitá naxindá-la Nainá ra títsajna ya Tesalónica, jìon ra chja'nda-no Nainá ra Na'ín-ná kò jè Jesucristo ra tíjna ítjòn-ná, 'koaá 'sín nìhixo'ta-lajin 'an Pablo kò Silvano kò Timoteo. Nainá katatsjá-no kjonda kò kjo'nchán ya ajin inìma-no.

²Kji'tá nichjin, 'koaá 'sín 'mì-lajin Nainá ra a'ta tsajìon nga tse kjonda kata'se-la ra jè nga níkítsjen-yá-lajin 'kia nga nakjoá'ta-lajin Nainá. ³Kò bítsjen ki'tá-najin 'kia nga bitsa'ba-lajin Nainá jñà xá ra inchi'nià koni 'sín nga makjiín-no, kò kó'sín nga kjonda 'tse xitá inchinichjeén jè kjotsjacha ra tjín-no, kò kó'sín nga inchichíkjoajin-no kjohi'in ra inchibato ta ngatji-la nga jè chiñá-la Jesucristo ra tíjna ítjòn-ná. ⁴Jìon ndí 'ndsé ra Nainá tsjake-no. 'Ya-nájin nga jè Nainá xá tsjahíjin-najìon nga naxindá-la tsò-no. ⁵Nga 'kia nga tsi'kènajmíya-lajin jè 'én xitse ra nda tsò ra a'ta 'tse Cristo, mì tsa ta 'én tsajin ra inakjoá-jin, ngi koo nga'ño-la Nainá kò ngi koo Inìma Tsje-la Nainá kò ngi tjíngoó takòn-jin nga inakjoá-jin. Koni 'sín ijye nda tjíjin-najìon 'kia nga ya tsikitsajnakò-lajin, kjonda tsajìon-nó ra tsakjàtsji-jin.

⁶'Koaá 'sín ichjingí jìon koni 'sín nga ki'nià-jin kò ichjingí-te-la jè Na'ín-ná. Nì'sín takó tse kjohi'in inikjioón, tanga ngi koo kjotsja ra tsjá jè Inìma Tsje-la Nainá nga ichjíbé jìon jè 'én-la. ⁷'Koaá ma-ni nga skanda jngoó xkòsòn tsikijna-la jìon jñà xitá ra makjiín-la 'én-la Nainá ya Macedonia kò

Acaya. ⁸Nda kjo'tsiā kjòn-ni ra a'ta tsajìòn, jè 'én-la Nainá 'nó nda tímabìsòn; mì tsa ta ya Macedonia kò Acaya; nga tíjngo i'nde nga tina'yá-la koni 'sín nga makjiín-najìòn ra a'ta 'tse Cristo; skanda mí tì machjeén-ni nga jin 'kénajmí-lajin kó'sín nga tíhijyo jìòn. ⁹Nda tíjñá-ni xita 'benajmí kó'sín nga nda inisin-nájin 'kia nga ijchòjchòn-lajin, kò kó'sín nga jahatjìyaá-najìòn nga kijmio jñà ra ta nainá xkósòn nga tsáfa'ta-la jè ra ngi jè sabà Nainá ra tíjnakon, kò 'ndi-ni, yaá mangí'ta-la, ¹⁰kò nga chiñá-la jìòn jè I'ndí-la Nainá ra ngajmi kjinchrabà-ni, jè ra tijè-ni Jesús ra jaáya-ilá ya ajin-la mi'ken, jè ra ma-la siikatojin-ná jè kjohi'in ra 'sa nchrabá ra tjiko kjoiti-la Nainá.

Kó'sín isíxá ra a'ta 'tse Nainá jè Pablo ya naxindá Tesalónica

2 ¹Jìòn 'ndsé kò ndí tichjeé, ndaá tjíjin-no, nga mì tsa ta kjotjò-jin koni 'sín nga ijchòjchòn-lajin. ²Nga ni'sín takó tse kjohi'in tsatojin ítjòn-jin ya naxindá Filipos nga kiichjajno kiichja'ta-najin xita, koni 'sín ijye tjíjin-najìòn; tanga jè Nainá kitsjà nga'nó-najin nga 'nó tsi'kè-lajin takòn-jin nga tsangi 'kénajmí-lajin jè 'én xitse-la Nainá ra nda tsò, ni'sín 'nó kjin ma-ni jñà xita ra kondra tsikitsajna-najin. ³Jè 'én ra tsi'kénajmíya-jin mì tsa a'ta 'tse kjoa'cho inchrabà-ni, kò mì tsa 'cho tjín kjobítsjen-najin 'kia nga kó'sín tsi'kénajmíya-jin kò mì tsa jè mejèn-najin nga ta xita kíndocha-lajin. ⁴Nga jè sabà Nainá kiskó'ta-najin kò 'koaá 'sín ma-ni nga jin tsaká'ta takòn-najin kò isingatsja-najin jè 'én xitse ra nda tsò ra a'ta 'tse Cristo, mé-ni nga jin ma kinákjoaya-najin. Mì tsa jè fatsji-jin nga jñà xita nda katasasén-la kjoa ra 'nià-jin; jè-ní ra mejèn-najin nga jè Nainá nda katasasén-la; nga jè-ní ra ma-la kjó'ta kó'sín nga tíjna jè inìma-ná. ⁵Koni 'sín ijye tjíjin-najìòn, mì tsa jngo 'én ra nda tsò kinichjeén-lajin koni tsa tjín ra mejèn-najin ra a'ta tsajìòn kò mì tsa kó'sín tjín takòn-jin nga ton kináchrjejno-lajin. Kò jñà kjoa kii Nainá nda tíbe. ⁶Kò mì tsa jè fatsji-jin nga jìòn kò ra kj'íí xita 'nga katasíkítsajna-najin. Koni ra jin tsikíxáya-najin jè Cristo, kjomá-la tsa tsikinè-lajin jè kjotéxoma ra tjín-najin. Tanga majin. ⁷Ta isaá jnchro nda kijchatjò-lajin koni 'sín 'sín jngo ndí chjoón ra nda síjchá i'ndí-la nga sisin kjón-ní síkonda. ⁸Batóó 'nó kjotse jè kjotsjacha-najin ra a'ta tsajìòn. Mì tsa ta

jè tsja ki'se-najin nga tsi'kì-lajin 'én xit̄se-là Nainá ra nda tsò. Tì'koaá 'ñó kjotsja-te-najin nga tsi'sikò'ta-lajin ta ngat̄jì-là ta batoó 'ñó kjotsjacha-lajin. ⁹ Jìòn 'ndsé kò tichjeé ndaá t̄j̄jin-no, kó'sín nga inìkì'on-jin ijo-najin nga iníxá-jin. Nga kò nìchjin kò n̄it̄jen iníxá-jin, nga majin-najin nga jìòn kòhi'in-no mé ra ichija'ta-najin 'kia nga tsi'kènajmíya-lajin jè 'én xit̄se ra nda tsò a'ta 'tse Nainá.

¹⁰ Jìòn ndaá kijcha, kò tì'koaá jè Nainá ndaá be-te, kó'sín nga tsje iníjchá-jin ijo-najin kò nga kixíí tsikitsajna-jin, kò mì tsa mé jé tsakjatsji-jin ya ajin tsajìòn ra makjiín-no 'én-là Nainá. ¹¹ Ndaá t̄j̄jin-te-no nga inije takòn-lajin kò ki'tsi nga'ñó-lajin nga jngó jngó-no ra jìòn, koni 'sín 'sín jngo na'in nga s̄jetakòn i'ndí-là. ¹² Kò 'koaá 'sín tsikinè-lajin nga kò'sín t̄j̄chá ijo-no koni 'sín nga machjeén-là jè Nainá ra kiichja-no, mé-ni nga ya k̄itsajin-la x̄ita-là ra ijye jè t̄ibatéxoma-là, kò nga k̄itsajin-te jè kjoajeya-là.

¹³ 'Koaá ma-ni nga k̄jì'tá nìchjin nga kò'sín 'mì-lajin jè Nainá, nga tse k̄jonda kata'se-là ra jè ta ngat̄jì-là 'kia nga ina'yá jìòn jè 'én-là Nainá ra jin tsi'kènajmíya-lajin, mì tsa 'én 'tse x̄ita ki'nià jìòn; 'koaá 'sín ichjìbé jìòn koni ra ngi 'én-là Nainá; kò kixíí kjoa ngi 'én-là Nainá kiti-ní, ijyeé t̄í'ya-là ra a'ta tsajìòn ra makjiín-no a'ta 'tse jè 'én rak̄ì. ¹⁴ Jìòn ndí 'ndsé kò ndí tichjeé, 'kia nga kò'sín t̄j̄nà-ni x̄ita nax̄indá tsajìòn kitsjà-no k̄johi'in, 'koaá t̄i'sín k̄jomà'tin jìòn koni 'sín k̄jomà j̄nà x̄ita nax̄indá-là Nainá 'tse Cristo Jesús ra t̄j̄tsajna ya Judea, nga t̄j̄nà-ni x̄ita nax̄indá-là ra x̄ita judío kitsjà-là k̄johi'in. ¹⁵ Nga x̄ita judío ra isì'ken jè Jesús ra t̄jna ít̄jòn-ná, kò t̄j̄nà-ni x̄ita jchínga-là ra isì'ken j̄nà x̄ita ra kiichja ngajo-là Nainá k̄jotseé; kò ra jin-jin tsachrjekàjin-najin ya nax̄indá-là; kò mì k̄i sasén-là Nainá kjoa ra 'sín x̄ita k̄ì; kò ngi ta kondraá fi ijye-là ta mé kjoa ra 'sín j̄nà x̄ita, ¹⁶ kò mì k̄i tsj'nde 'kia nga jin 'benajmíya-lajin j̄nà ra mì tsa x̄ita judío mé-ni nga t̄i'koaá k̄it̄jòjin-te-ni k̄johi'in. Koni 'sín ijye inchis̄kato ch̄iba-là x̄ita k̄ì j̄nà jè ra inchi'sín, 'koaá 'sín tse k̄johi'in tsjá-te-là Nainá.

**Kó'sín jè Pablo 'ñó mejèn-là nga ijkon j̄nà x̄ita
nax̄indá-là Cristo 'tse Tesalónica**

¹⁷ Tanga jìòn 'ndsé kò tichjeé, 'kia nga ijye k̄jin nìchjin tsato nga tsijmieé xàngieé, n̄i'sín mì k̄i t̄i ya kiskàjin-ná,

kiníkítsjen ki'tá-lajin. Kò 'ńó kjomejèn-najin nga tsangì ítsíjen-lajin. ¹⁸Batoó kjomejèn tsangì kiti-jin. Ma kjòn-ni ra 'an, ra 'mì-na Pablo, india tì ijan mejèn-na kijiàa; tanga jé xita-níí tsatéchjà-na. ¹⁹Nga jé inchichiñá-lajin nga kixi títsajna jìòn 'kia nga k'íí india-ni Jesucristo ra tìjna ítjòn-ná; nga a'ta tsajìon-nájìon nga tsja 'se-najin, kò nga nda kítjongi-jin ya ngixkon Na'ín-ná. ²⁰Kò tì'koaá a'ta tsajìon-nájìon nga nda níkítsajna-jin ijo-najin kò ngatjì tsajìon-nó nga tsja tìjn-najin.

Kó'sín nga inikasén jè Timoteo ya naxindá Tesalónica

3 ¹'Kia nga mì kì tì ichikjoa-isa-najin nga mejèn-najin jcha-jin kó'sín nga títsahijyo jìòn, 'kiaá iníkítsjen-jin nga tsì'kìn-lajin xàngi-jin: “Ndaá-la 'se tsa sikasén jè 'ndsé Timoteo kò ra jién ì kítsahijyee ì Atenas.” ²'Koaá ma-ni nga ta jè inikasén-jin jè 'ndsé Timoteo, jè chi'nda-la Nainá ra bakón-ya-te 'én xitse ra nda tsò a'ta 'tse Cristo, mé-ni nga jè katatsjá nga'ńó-isa-no kò katatsje ikon-no kó'sín nga isa nda kòkjiín-isa-no, ³mé-ni nga nijngo ra sikhinda a'ta 'tse kjohi'in kù. Nga jìòn, ijyee tjjin-no nga xá 'koaá 'sín tìjnè-la nga kama'tieén. ⁴'Kia nga tì'sa ya tsikítsajnakò-lajin tì'kiaá kòtsì'kìn-lajin, nga tìjnè-la nga kotjín kjohi'in kotojieén; kò inchi'ya-nájìon 'ndì-nì nga ijyee kò'sín tíma. ⁵'Koaá ma-ni, 'kia nga jè inìma-na mì kì tì ichikjoa-isa-la, chaán ísikásén jè Timoteo mé-ni nga skonangiya-ni kó'sín títsajna jìòn a'ta 'tse kjoa ra makjiín-no; ta ngatjì-la 'ńó kjókájno-na ra a'ta tsajìon, tsa tikjiá jè xita-níí skoó'ta-no nga ya skajìon ra kjoa 'tse jé, kò jè xá ra ki'nià-jin ra a'ta tsajìon, ta kjotjò ya jchija.

⁶'Ndì 'ndì 'kia nga ijye tsáfa-ni jè Timoteo nga ikatsíjen-najìon; ijyee 'jiikó-najin 'én ra nda tsò ra a'ta tsajìon, a'ta 'tse kjoa ra makjiín-najìon kò a'ta 'tse kjotsjacha ra tìjn-najìon. Kò 'koaá 'sín kitsò-te-najin nga 'ńó nda bítsjen-najìon ra a'ta tsajin, nga 'ńó mejèn-te-najìon nga jcha-nájìn koni 'sín nga tì'koaá 'ńó mejèn-najin nga skajieén. ⁷'Koaá ma-ni jìòn ndí 'ndsé kò ndí tichjeé, nga nì'sín takó tse kjoa inchibatòjin-jin kò tse kjohi'in inchinikjiín-jin, tanga 'kia nga ina'yá-jin nga kixíí títsajna jìòn koni 'sín nga makjiín-no a'ta 'tse Cristo, 'ńó kjó'ńó-ni takòn-jin. ⁸'Kia nga na'yá-jin nga kixíí títsajna a'ta 'tse Na'ín-ná, ijyee 'nchán kjón ki'se-la inìma-najin. ⁹¿Kó'sín koma 'kín-lajin Nainá nga tse kjonda

kata'se-la ra jè, nga t̃a tse kjotsja t̃sakó-najin ra a'ta tsajion?
 10 Kò nichjin kò nitjeén inchinakjoá'ta-lajin Nainá mé-ni nga
 katatsjá'nde-ni nga ma kohítsijen-lajin nga 'kénajmíya-isa-lajin
 kjoa ra chija'ta-isa-no nga jcha koni 'sín nga ijye makjiín-no.

Kjoa bitsa'ba-la Pablo

11 Tsa jè sabà Nainá ra Na'in 'mì-lá kò jè Jesucristo ra
 t̃jna ítjòn-ná, katabasiko-najin nga ma kongítsijen-lajin
 skanda nãnda nga titsajna jion. 12 Jè Na'in-ná nda
 katasíkjaha'sen-jin-isa kjotsjacha ya ajin inima-no mé-ni nga
 tsjacha 'sian-no jion xàngioo nga jngó jngó-no kò nga'tsi xita
 ra kj'í, koni 'sín nga tsjacha-lajin. 13 Kò'sín 'nó katatsjá-la
 nga'nó inima-no, mé-ni nga tsje titsajna-no kò nimé jé
 katasakó ra a'ta tsajion ya ngixkon Nainá ra Na'in 'mì-lá jè
 nichjin 'kia nga kj'í india-ni jè Jesús ra t̃jna ítjòn-ná nga
 kjihijtako nga'tsi ra a'ta 'tse chja-ni.

Kjoa ra sasén-la Nainá

4 1 Jion ndí 'ndsé kò ndí tichjeé, 'koaá 'sín tsakóya-lajin
 nga kò'sín sijchá ijo-no koni 'sín nga jè Nainá sasén-la.
 Kò kixí kjoa, ijyeé kò'sín inchi'nià jion. Tanga 'ndi-ni 'koaá
 'sín bitsa'ba-lajin kò níjé-lajin a'ta 'tse Jesús ra t̃jna ítjòn-ná,
 nga kò'sín 't̃i nga'nó-isa-la ijo-no, nga nichjin nchijon isa nda
 kitsajna.

2 Ijyeé 'ya-nájion kó'sín t̃jn kjohixi ra tsi'kénajmí-lajin ra ya
 inchrabà-ni a'ta 'tse Jesús ra t̃jna ítjòn-ná. 3 Jè ra mejèn-la
 Nainá, jé-ní nga ngi tsjeé t̃jchá ijo-no, nga k̃i kjoachijngi
 'nià. 4 Nga jngó jngó-najion katamaá-no kó'sín nga sikindaa
 ijo-no nga tsje kitsajna, kò nga jchaxkón ijo-no. 5 K̃i bi'nde
 jion nga j̃nà síkijne-no j̃nà kjoa'cho ra síjé ijo-no, koni 'sín
 'sín j̃nà xita isà'nde ra mì k̃i be Nainá. 6 Jion ra 'ndsè chibà
 a'ta 'tse Cristo, k̃i j̃nà kjoa k̃i kajion mé-ni nga mì xàngioo
 jchaton-no nga kíndocha-la. Nga jè Na'in-ná 'nó tse kjohi'in
 tsjá-la j̃nà xita ra kò'sín 'siin, koni 'sín nga ijye kò'sín
 tsi'kìn-lajin kò t̃jen iníkjí'nchré-lajin. 7 Nga jè Nainá mì tsa k̃i
 xá kiichja-ná nga kot̃jín kjoa'cho ra kitsajieén, jé-ní nga tsje
 kohíkeé kjobinachon-ná. 8 'Koaá 'sín ma-ni, jè ra kochrjengi
 kjóbitsjen k̃i, mì tsa xita-j̃n ra t̃bachrjengi; jè sabá Nainá ra
 t̃bachrjengi, nga jé-ní ra tsjá-ná Inima Tsje-la.

⁹Ra a'ta 'tse nga kó'sín tsjacha 'siqon xàngioo, mì kì machjeén nga xajon ki'tá-no. Nga jè sabá Nainá ijye nda tsakón-ya-no kó'sín tsjacha 'siqon xàngioo nga jngó jngó-no. ¹⁰Ijyeé ko'sín inchi'nià jìòn, 'kia nga tsjacha jìòn jñà nga'tsi 'ndsé ko tichjeé ra títsajna ya nangi Macedonia; tanga 'koaá 'sín tíbítsa'ba-no nga isa 'ño tsjacha-isa 'tiaàn xàngioo nga nìchjin nchijòn. ¹¹Ko'sín 'ño tinè-la ijo-no nga 'nchán títsajna; kì kjoa-la xàngioo chaájion; ko'sín tixá koni tjin xá ra ma-no, koni 'sín nga ijye tsi'kìn-lajin nga'tsi kjoa kii, ¹²mé-ni nga nda skexkón-no jñà xita ra mì kì makjiín-la 'én-la Nainá. Ko nì mé ra katasijchija'ta-no ra jìòn.

'Kia nga kj'íí india-ni jè Na'ín-ná Jesucristo

¹³Jìòn ndí 'ndsé ko ndí tichjeé, mején-najin nga nda katasijin-najìòn mé ra ma'tin jñà ndí xita ra ijye 'ken, mé-ni nga mì ba kata'se-najìòn koni 'sín nga ma'tin jñà xita ra nímé inchikoñá-la. ¹⁴Koni 'sín nga makjiín-ná nga jè Jesús 'ken-ní ko nga jaáya-ila, 'koaá ti'sín makjiín-ná nga jè Nainá siikjaáya-ila jñà xita ra ijye 'ken, ra kjokjiín-la a'ta 'tse Jesús.

¹⁵Nga 'koaá 'sín 'mì-lajin koni 'sín ijye asa kitsò Na'ín-ná, nga jién ra titsajnakon isee i a'ta nangi 'kia nga kj'íí india-ni ra jè, mì tsa tjen kongí ítjòn-lá jñà ra ijye 'ken. ¹⁶Nga jè sabá Na'ín-ná kjinchrabàjen-ni ya ngajmi nga 'ño kiná'ya jta-la nga tsjá kjohixi, ko nga 'ño kichja ikjali ítjòn, ko nga 'ño ski'ndá chrjoo; ko akjòn kitjo i'nde ítjòn-ni jñà xita-la Cristo ra ijye 'ken. ¹⁷Akjòn jién, ra titsajnakon isee, yaá taña tjámitjen-keé nga kjieén ya ajin ifi, mé-ni nga ya skajieén jè Na'ín-ná ya ajin isén; ko 'koaá 'sín ya kitsajna-keé jè Na'ín-ná skanda ta mé nìchjin-nioo. ¹⁸Kíí machjeén-ni nga ko'sín 'ño tijetakòn xàngioo nga jngó jngó-no nga tinákjoa-la jñà 'én kii.

Títsajnanda 'kia nga kj'íí india-ni Na'ín-ná Jesucristo

5 ¹Tanga jìòn ndí 'ndsé ko ndí tichjeé, mì kì tsa machjeén tsa xajon kí'ta-lajin, nga mé nìchjin kjòn-ni ko mé sá kjòn-ni nga kj'íí jè Na'ín-ná. ²Nga ijyeé nda tjíjin-najìòn, nga 'kiaá kj'íí Na'ín-ná 'kia nga mì yá ra inchikoñá-la koni 'sín nga 'kia nga ta nditoón 'fiì jngo chijé 'kia nga nìtjen. ³'Kia nga kitso jñà xita: “'Ñó tjin kjoa'nchán, ko nímé kjoa ra tjin”, ta nditoón kjinchrabànè kjojkón nga kjehesòn, koni 'sín ma jngo

ndí chjoón ra i'ndí tjíhi'ma-la, nga ta nditoón mahajò indsi'ba. Kò niyá ra ma kotojin kjoókón kii. ⁴Tanga jiòn ndí 'ndsé kò ndí tichjeé, mì tsa kjoa jñò titsajnajion ra jiòn. 'Koaá ma-ni, mì kì tjinè-la nga jè nichjin 'tse Na'ín-ná kò'sín ta nditon kj'íí kanè-najìon koni 'sín 'fii jngo chijé. ⁵Nga nga'tsi-najìon, isen-ní ñánda nga titsajna jiòn, kò nichjin-ní. Mì tsa nitjen-jìn, kò mì tsa ajin jñò-jìn. ⁶'Koaá ma-ni nga mì kì machjeén nga kò'sín tsjáfè jiòn koni jñà xita ra i'ka. Machjeén-ní nga kitsakeén ra jién kò nda 'se ki'ta takén. ⁷Nga jñà ra fafe, 'kiaá nitjen nga fafe; kò jñà ra ma'chi, 'kiaá nitjen nga ma'chi. ⁸Tanga jién ra isen ñánda nga titsahijyeé, machjeén-ní nga nda kata'se ki'ta takén, kò jñà kjoa makjiín-ná kò jè kjoatsjacha ra tjin-ná, 'koaá 'sín ya katjajtsa inìma-ná koni 'sín chíchàn nga bájtsa ya asòn inìma-la chrjaba tája ra 'mì coraza. Tsa kò'sín ngi tji'ngò takén nga inchichiñá-lá jè nichjin 'kia nga kítjokajieén kjohi'in 'tse jé-ná, jè-ní ra kosiko-ná koni 'sín nga basiko casco ra bí'a skò chíchàn. ⁹Nga jè Nainá mì tsa ki xá jahíjin-ná nga kjohi'in tsjá-ná; jé-ní nga a'ta 'tse Jesucristo ra tìjna ítjòn-ná komaá kítjokajieén kjohi'in a'ta 'tse jé-ná. ¹⁰Nga jé Jesucristo 'ken ngajo-ná mé-ni nga ni'sín ijye 'keén, o ra titsakon-ná 'kia nga jè ra kj'íí india-ni, yaá kitsajnakeé. ¹¹'Koaá ma-ni, kò'sín tjetakòn xàngioo nga jngó jngó-no kò nda 'tì nga'ño-la koni 'sín nga ijye inchi'nià.

Kjoa ra machjeén nga 'sijn jñà ra xita-la Nainá 'mì

¹²Jiòn ndí 'ndsé kò ndí tichjeé, 'koaá 'sín bitsa'ba-lajin nga kò'sín nda jchaxkón jiòn jñà ra ki xá tjin-la nga ijncha ítjòn-no ya ajin naxindá-la Nainá, ra tjen bíyachiya-no ñáa kjoa ra 'cho tjin. ¹³Nda jchaxkón jiòn tì'koa 'ño tsjacha 'tiaàn jñà xita kii, ta ngatjì-la jñà xá ra 'sín. Kò'sín 'nchán titsajnakoo xàngioo nga jngó jngó-no. ¹⁴Jiòn 'ndsé kò tichjeé, 'koaá tì'sín bitsa'ba-lajin, nga 'ño tinákjoakoo jñà ra ta jyò tji'sajna nga mì mé xá inchi'sín, tì'ño jiòn ikon jñà ra inda tjin kjobítsjen-la, tìsikoo jñà ra inda tjin inìma-la, katachíkjoajin-kò-no kò nga'tsi jñà xita kii.

¹⁵Tikindaa xàngioo nga mì tì yá ra kò'sín sijnnda-ni tsa 'kia yá ra 'cho siko; ta isaá jnchro jè tjatsjio ki'ta nga nda sikoo xita xàngioo kò ta yá xita-isa-nioo.

¹⁶Kji'tá nìchjin nga tsja 'tè-la inìma-no. ¹⁷Titsa'ba ki'ta-la Nainá. ¹⁸'Tì-la kjonda Nainá nì'sín ta mé kjoa ra koma'tion, nga 'koaá 'sín mejèn-là ra jè ra a'ta tsajìon ra makjiín-no a'ta 'tse Cristo Jesús.

¹⁹Kì jìon batechjà-la xá ra 'sín Inìma Tsje-là Nainá. ²⁰Kì nachrjengio 'én-là jñà ra síchjeén Nainá nga chja ngajo-là. ²¹Nda kjón chjí'ta ítjòn nga'tsì 'én. Jñà tìchjeén jñà ra nda tjín, ²²kò tìnáchrjengio nga'tsì ra 'cho tjín.

²³Jè Nainá ra tsjá kjo'nchán, nda kjón katasítsje-najìon; nda kjón-ní katasíkinda jè inìma tsje-no, kò kóho'ki ijo-no mé-ni nga nímé jé 'se-no kò nímé ra ma kochrjengi-no 'kia nga kj'íí india-ni Jesucristo ra tìjna ítjòn-ná. ²⁴Nga jè Nainá ra xá kiichja-no síhitjasòn ijye-ní nga'tsì 'én ra chja, kò 'koaá 'sín síhitjasòn.

Kó'sín nga síhixo'ta Pablo xìta 'ndsé

²⁵'Ndsé kò tichjeé, tì'koa 'ñó titsa'batjì-nájin.

²⁶Ngi koo inìma-no tìkjáya-la nga'tsì xàngioo.

²⁷'Koaá 'sín tíbi'tín-no nga 'tì-la 'én-no Na'ín-ná nga chitá'yá-no xajon rakìi ya ajin-là nga'tsì xìta xàngieé.

²⁸Kò'sín katatsjá-no kjonda-là jè Jesucristo ra tìjna ítjòn-ná.